

Na osnovu člana IV.B.7.a) (IV) Ustava Federacije Bosne i Hercegovine, donosim

UKAZ
O PROGLAŠENJU ZAKONA O AMNESTIJI ZA
NEDOPUŠTENI DRŽANJE MINSKO-EKSPLOZIVNIH
SREDSTAVA I ORUŽJA U FEDERACIJI BOSNE I
HERCEGOVINE

Proglašava se Zakon o amnestiji za nedopušteno držanje minsko-eksplozivnih sredstava i oružja u Federaciji Bosne i Hercegovine, koji je donio Parlament Federacije BiH na sjednici Predstavničkog doma od 30.10.2013. godine i na sjednici Doma naroda od 16.12.2013. godine.

Broj 01-02-40-02/14
13. januara 2014. godine
Sarajevo

Predsjednik
Živko Budimir, s. r.

ZAKON
O AMNESTIJI ZA NEDOPUŠTENI DRŽANJE MINSKO-
EKSPLOZIVNIH SREDSTAVA I ORUŽJA U
FEDERACIJI BOSNE I HERCEGOVINE

I. OPĆE ODREDBE

Član 1.

Ovim zakonom daje se oslobađanje od krivičnog gonjenja svim fizičkim i pravnim licima za krivično djelo nedozvoljeno držanje oružja ili eksplozivnih materija iz člana 371. Krivičnog zakona Federacije Bosne i Hercegovine ("Službene novine Federacije BiH", br. 36/03, 37/03, 21/04, 69/04, 18/05, 42/10 i 42/11) i oslobađanje od pokretanja prekršajnog postupka, ako u roku od dvije godine od dana stupanja na snagu ovog zakona, u skladu sa ovim zakonom, dobrovoljno predaju/prijave minsko-eksplozivna sredstva i oružje nadležnom organu.

Član 2.

U smislu ovog zakona pod minsko-eksplozivnim sredstvima smatraju se:

1. **mina:** bilo koje eksplozivno sredstvo namijenjeno za uništavanje ili oštećenje ljudstva i opreme. Ovim pojmom obuhvaćena su: ubojita sredstva postavljena na tlo, ispod ili iznad tla koja se aktiviraju prisustvom, blizinom ili kontaktom sa licem ili vozilom pomoću mehanizma za aktiviranje na principu pritiska, potezne žice, labavljenja ili pritiskanja, isteka vremena, magnetnog djelovanja, elektromagnetne frekvencije, vibracije ili zvučnih impulsa;
2. **eksplozivni materijal:** sve vrste eksplozivnog praha, nitroglicerina, dinamita, trinitrotoluola (TNT), amonijev nitrat kombiniran sa drugim sastojcima radi dobijanja eksplozivne smjese, te bilo koji drugi oblik visoko eksplozivnih brizantnih materijala, upaljača, detonatora ili detonirajućih sredstava, hemijskih spojeva ili mehaničkih smjesa koje sadrže oksidirajuće ili zapaljive elemente, odnosno druge sastojke u takvom omjeru, količinama ili pakiranju da zapaljene pomoću vatre, trenja, potresa ili nekog drugog načina detoniranja tog spoja ili smjese mogu dovesti do naglog stvaranja ili oslobađanja veoma zagrijanih plinova pod pritiskom koji mogu proizvesti škodljiv, štetan ili destruktivan efekat na život, dijelove tijela ili imovinu. U ovu kategoriju ulaze i sve vrste bombi, granata, raketa, projektila, improviziranih bombi ili sličnih sredstava koja sadrže eksplozivni materijal, zapaljivi materijal ili otrovni plin;

3. **sredstva za upućivanje na cilj ili detonatorska sredstva:** minsko-eksplozivni pokretači, raketni motorni i pojačivački detonatori, kapsle, inicijatori i upaljači, inicirajući materijali, uključujući barut, te upaljače za rakete, kao i svi drugi tipovi projektila i granata;
4. **pirotehnička sredstva:** bilo koja hemijska smjesa koja je, ukoliko se zapali, u stanju egzotehnički reagirati dovodeći do stvaranja svjetlosti, toplote, dima, zvuka ili plina, a koja se zahvaljujući svom karakterističnom poznatom vremenu sagorijevanja može koristiti i za odgodu vatrenog djelovanja. U ova sredstva ne ubrajaju se eksplozivna punjenja i eksplozivi;
5. **neeksplozivna ubojita sredstva:** ispaljena municija, ispuštena ili izbačena u vidu projektila, ili nije eksplodirala uslijed kvara, konstrukcijske greške ili iz bilo kojeg drugog razloga;
6. **neupotrebljiva ubojita sredstva;** ubojita sredstva koja su oštećena, kojima je istekao vijek trajanja, napuštena su, nepropisno upakovana ili rasuta bez originalne ambalaže. Ova sredstva mogu se naći na bivšim ratištima i skladišnim prostorima i trebaju biti kvalifikovana kao neupotrebljiva, njima može rukovati tehničar za municiju, ili kvalifikovano osoblje za uklanjanje eksplozivnih ubojitih sredstava.

Minsko-eksplozivnim sredstvima iz stava 1. ovog člana smatraju se i minsko-eksplozivna sredstva definirana **posebnim propisima**.

Član 3.

U smislu ovog zakona oružjem se smatra:

1. **oružje:** bilo koje smrtonosno ili nesmrtonosno sredstvo, ili komponenta takvog sredstva namijenjenog ili upotrijebljenog za nanošenje tjelesnih povreda, fizičkih oštećenja ili za osiguranje prednosti nad protivničkim snagama na neki drugi način. Ova definicija obuhvata sve vrste oružja protivzračne odbrane, teško oružje, oružje dugih cijevi, mitraljeze, vojno oružje, pješadijsko oružje, lovačko oružje, lično naoružanje (pištolj), trofejno oružje i municiju;
2. **oružje za protivzračnu odbranu:** svaki top kalibra 20 mm i više predviđen za protivavionsko djelovanje, brzometni topovi kalibra 20 mm i više podešeni za nišanje pod vertikalnim uglom i namijenjeni za upotrebu u protivzračnoj odbrani, te sistemi za lansiranje sa ramena koji se ubrajaju u sistem projektila "ZEMLJA-ZRAK";
3. **teško oružje:** sve vrste oružja kalibra 75 mm i više uključujući i minobacače 81 mm i više;
4. **oružje dugih cijevi:** automatske i poluautomatske puške, automati bez obzira na dužinu cijevi namijenjeni za automatsku vatru. U ovu grupu ne ubrajaju se oruđa koja opslužuju posade;
5. **mitraljez:** potpuno automatsko oružje koje se puni mecima pomoću redenika, metalnog redenika ili limene kutije i iz kojeg se može pucati samo rafalnom paljbom;
6. **vojno oružje:** sva vojna oružja uključujući minobacače kalibra ispod 81 mm i svi mitraljezi ispod 20 mm;
7. **pješadijsko vojno oružje:** automatski pištolj "škorpijon", vojne puške, lahki ili srednji mitraljez (ispod 10 mm) koji se mogu upotrijebiti u vojne svrhe;
8. **lovačko oružje:** sve vrste oružja predviđene odredbama Zakona o lovstvu u Federaciji Bosne i Hercegovine ("Službene novine Federacije BiH", br.

